

AMA BIRJINAREN BERRIONAK.

«Angelus Domini nuntiavit Mariæ;  
et concepit de Spiritu Sancto.»

ON MANUEL BEOBIDE-KOARI DONKITUA.

I.

Ikusten det Zeru goya  
Izar argiz jantzirik;  
Ikusten det argikari  
Dizdizariz beterik;  
Ikusten ditut aingeru  
Danak arpak arturik,  
Zerutarren soñu gozo  
Miragarriyak jorik.  
Eguzkiyak, errañuak  
Mundura biralirik,  
Uzten gaitu Jaungoikozko  
Pozkidaz beterik.  
¿Zer da, bada, gertatutzen?  
¿Nola gaude pozturik?  
¿Nondik dator gure poza?  
¿Dator, ausa, Zerutik?  
¡Bai! begira nola doan  
Laño bat ¡an! ariñik,  
Altisoizko urildoa  
Ondorendik utzirik.  
¿Nora zoaz, añ agudo,  
Lañoa, churiturik?  
¿Zergatikan zoaz gora  
Lurretik aldendurik?  
¿Ta zergatik, zu, lurgaña,  
Zaude larrosaturik?.....

II.

Gelditu da, marboillean  
Ikusten zan lañoa;  
Gelditu da gure goyan  
Laño zillarrezkoa.....  
¿Zer agiri da beregan?....  
Aingeru Zerukoa,  
Dakarrela bere eskuan  
Azuzena gozoa.  
Mugitzen du goyangeru  
Gabriel-ek egoa,  
Jachitzen da, zuzendurik  
Lurrera lastergoa;  
Zabaltzen du odehyetan  
Urrin mirarizkoa,  
Eta dator ekartzera  
Mandatu Jainkozkoa.  
Inpernuan entzuten da  
Gezurtien orroa;  
Ernegaturik arkitzen da  
Deabruen zuloa,  
Ikusirik gizonaren  
Zorion Zerukoa.

III.

Jaunagan adimentua  
Daukalarik jarriya,

Nazareten, eche chiki  
 Baten dago Mariya,  
 Birjiña birtutetsua,  
 Birjiña Zerukoia;  
 Otoitza da bere poza,  
 Bere atsegin guztiya;  
 Da chit onesgilleduna,  
 Berdingabe, garbiya;  
 Inpernuko sugearen  
 Buru-zapaldariya;  
 Birtutezko bideetan  
 Guziz miragarriya;  
 Igarleak kanta zuten  
 Larros Jerikotiya;  
 Zerutik etorritako  
 Andre chit donetiya;  
 Gure zorionerako  
 Lur tristera jachiya;  
 Chaukindaren boillandez  
 Jaungoikoak jantziya.

## IV.

Orrengana dator bada,  
 Gabriel Aingerua;  
 Mariyarengana dakar  
 Jaunaren mandatua;  
 Eta dio: «Agur, Jaunak  
 Amatzat autatua;  
 Bere grazi Zerukoaz  
 ¡O! zaude betetua;  
 Emakume guztiyetan  
 Zera bedeinkatua.»  
 Mariyak au entzunikan

Jasotzen du gogua  
 Jaunagana; bere atsedaz  
 Suturikan barrua,  
 Dio guziz otseztiro:  
 «Nere Jaun maitatua;  
 Egin bedi nigan zure  
 Naigiñ chit donatua.»  
 Ordu artan, gelditu zan  
 Mariyagan sortua,  
 Zerutar egoitzetatik  
 Gugatik beeratua.

## V.

Lagun zadazu, Mariya,  
 Nere neke danetan;  
 Lagun zadazu Zerutik  
 Nere gora beeretan;  
 Arlizar zuzendariya  
 Zaude Zeru goyetan  
 Arzteko gizadiya  
 Munduko ekaitzetan;  
 Izan ziñan autatua  
 Emakume danetan,  
 Jainkoaren seme Jesus  
 Sortutzeko zuregan;  
 Izan ziñan esleitua  
 Ebaren alabetan,  
 Sartutzeko gizadiya  
 Zeru-Jauregiyetan.  
 Lagun, bada, nere griñen  
 Itsas-irakiñetan,  
 Gal ez nadin, arimako  
 Ekaitz borchariyetan.

ECHEGARAY-KO KARMELO-K.

1883-ko Orrillean.

